



Pipaluk Olsen, Demokraatit
inatsisartut@inatsisartut.gl
Inatsisartunut ilaasortaq

Uummannami umiarsualivimmi atugassarititanik pitsanngorsaanissaminnik Naalakkersuisut pilersaaruteqarnersut pillugu § 37 naapertorlugu apeqquteqaammut 2026-065-imut akissut

Ulloq: 28-05-2026
Suliaq nr.: 2026 - 7914
Akt-id:26415540

Asasara Pipaluk Olsen

Inatsisartut suleriaasianni § 37 naapertorlugu Uummannami umiarsualivimmi atugassarititanik pitsanngorsaanissaminnik Naalakkersuisut pilersaaruteqarnersut pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Naalakkersuisut Uummannami talittarfik/umiarsualivik pitsanngorsaaviginissaannut suut pilersaarutigaat?

Akissut: Uummannami talittarfiup/umiarsualiviup pitsanngorsarneqarnissaanut Naalakkersuisut aalajangersimasumik pilersaaruteqaangillat. Uummannami umiarsualivimmi atugassarititat 2019-2020-mi mikivallaarlutillu ullutsinnut naleqqutinngitsutut nalilerneqarmata, taamani umiarsualivimmi atugassarititat allilerneqarput. Pilersuinerup isumannaatsuunera annertusissallugu, aalisarnermillu inuussutissarsiutilinnut pitsaanerusunik atugassaqartitsissaq qulakkiissallugu, taamani alliliinerup siunertaraa.

Alliliinermi immikkoortut sisamat suliarineqarput.

- Umiarsuaaqqat talittarfianik alliliineq, tamakkiisumillu nutarterineq
- Umiatsiaaqqanut pitsaanerusunik atugassarititaqarluni Kangerloqqissumi nutaamik nunniorneq
- Containerit amerlanerungaatsiartut inissaqalersillugit contarinut nutaamik inissiiviliorneq.
- Aalisakkanik tikiussinermut, umiatsiaaqqanillu pituttuinnermut naleqqunnerulingaatsialersillugu ujaqqanik kipparissunik talittarfitoqqap nutarterneqarnera.

Suliniutit taakkua sisamat, umiarsualivimmik atuisunut atugassarititanik pitsanngorsaasimasutut nalilerneqarput.

a. Pilersaaruteqartoqarsimappat, taava suliaq qaqugu naammassissangatinneqarpa?

Akissut: Apeqqu 1-imut akissut takuuk.

Apeqqu 2: Naalackersuisut qanoq isumaqarfigaat Juulimaap Inaata eqqaani talittarfimmik pilersitsisoqarnissaanik siunnersuut?

Akissut: Attaveqaasersuutitut pitsanngorsaanissamik, innuttaasunullu pitsaaneerusunik atugassaqartitsinissamik qulakkeerissallutik siunnersuutit tamaasa Naalackersuisut allaavittut iluarisimaartarpaat.

a. Pingaarnersiuiinerni tamanna ilaareerpa?

Akissut: Juulimaap Inaata eqqaani talittarfimmik pilersitsinissamik pisariaqartitsineq siornatigut paasissutissiissutigineqarnikuunngimmat, Juulimaap Inaata eqqaani talittarfimmik pilersitsinissaq massakkut pingaarnersiuiinerni ilaanngilaq.

Apeqqu 3: Naalackersuisut suut suliniutiginiarpaat, nioqqutissanik Uummannamut pilersuineq aalajaatsoq qulakkeerniarlugu, ullumikkut atugassarititaasut pilersuineq pitsaanngitsut atuutsillugit?

Akissut: Naalackersuisut paasivaat, qaqutiguugaluartoq sikumerngit aamma/imaluunniit umiatsisaaqqat tulakkiartornermi akornutaaratarsinnaallutik kinguaattoortitsisartut. Taamatulli pinerit umiarsuit, najukkamilu ingerlatsisut annertuumik ikiuukkumanerisigut piffimmi aaqqinneqartarput.

Taassuma saniatigut Royal Arctic Line A/S-ip Uummannamut tikittarnerani ajornartorsiutinik allanik Naalackersuisut ilisimasaqanngillat, tamannalu pillugu suliniutinik nutaanik pilersaaruteqartoqanngilaq.

Apeqqu 4: Naalackersuisut pilersaaruteqarpat Qaarsunni talittarfimmik pilersitsinissamut, qulimiguulimmik angallassinermik isumalluuteqarneq annikillisinnaarlugu? a. Taamaattoqarpat, taava piffissaliunneqartoq qanoq isikkoqarpa?

Akissut: Qaarsunni talittarfittaassaq qanoq pilersinneqarsinnaanersoq titartaasoqarnikuuvoq. Taamaakkaluartuq pilersaarusiortoqasappat taanna sioqqullugu suliarineqartariaqartunik atuisunik misissuinissamut, pisariaqartitsinermillu misissueqqissaarnissamut aningaasaliissutissanik maannamut immikkoortitsisoqarnikuunngilaq.

Apeqqu 5: Naalackersuisut qanoq iliorlutik isorliunerusuni angallasserit aammalu inuuniarnikkut atugassarititat pitsanngorsaaviginissaannut qulakkeerinninniarpat, aamma Uummannami Qaarsunnilu talittarfiit umiarsuliviillu pisariaqartinneqartut pitsanngorsaavigineqassanngippata?

Akissut: Umiarsualiveqarnermut tunngatillugu Naalackersuisut aalajangersimasumik pilersaarutaat 2017-imit 2027 tikillugu Umiarsualivinnut immikkoortumut pilersaarummi atuarneqarsinnaapput, taannalu kanat.gl-imi tamanit atuarneqarsinnaalluni.

Umiarsualivinnut immikkoortumut pilersaarut paasissutissanik kingullernik nutarterniarlugu piareersarneqarpoq.

Apeqquut 6: Naalackersuisut oqaluuserisamat soqutiginaatilinnik allanik paasissutissiisinnaanerlutik?

Akissut: Illoqarfinni, inoqarfinnilu mikinerusuni attaveqaasersuutitta ullutsinnut naleqqunnerulersillugit pitsanngorsarneqarnissaat, aaqqissuunneqarnissaallu Naalackersuisut ukkatarisorujussuaat. Tamanna pillugu sumiiffinni taakkunani pitsanngorsaattissatut kissaatit pillugit isummersuutininik tigusaqarnera nuannaarutigaa.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Iddimangiu J. Bianco
Iddimangiu J. Bianco